

श्री चंद्रप्रभ-जिन पूजा
Śrī candraprabha-Jina Pūjā

(छप्पय अनौष्ठ्य)

चारु-चरन आचरन, चरन चितहरन- चिहनचर |
चंद चंद-तनचरित, चंदथल चहत चतुर-नर ||
चतुक-चंड चकचूरि, चारि चिदचक्र गुनाकर |
चंचल चलित-सुरेश, चूल-नुत चक्र धनुरहर ||
चर-अचर-हितू तारनतरन, सुनत चहकि चिर नंद शुचि |
जिनचंद चरन चरच्यो चहत, चित-चकोर नचि रच्चि रुचि |१|

(chappaya anauṣṭhya)

Cāru-carana ācarana, carana citaharana- cihnacara |
Canda canda-tanacarita, candathala cahata catura-nara ||
Catuka-caṇḍa cakacūri, cāri cidcakra gunākara |
Cañcala calita-surēśa, cūla-nuta cakra dhanurahara ||
Cara-acara-hitū tāranatarana, sunata cahaki cira nanda śuci |
Jinacanda carana caracyō cahata, cita-cakōra naci racci ruci |1|

(दोहा)

धनुष डेढ़-सौ तुंग तन, महासेन-नृप-नंद |
मातु-लक्षमना-उर जये, थापूं चंद जिनंद ।२।

ॐ ह्रीं श्रीचंद्रप्रभजिनेन्द्र ! अत्र अवतरत अवतरत संवौषट्! (आह्वाननम्)

ॐ ह्रीं श्रीचंद्रप्रभजिनेन्द्र ! अत्र तिष्ठत तिष्ठत ठः ठः! (स्थापनम्)

ॐ ह्रीं श्रीचंद्रप्रभजिनेन्द्र ! अत्र मम सन्निहितो भवत भवत वषट्! (सन्निधिकरणम्)

(Dōhā)

Dhanuṣa ḍēṛḥa-sau tuṅga tana, mahāsēna-nṛpa-nanda |
Mātu-lakṣamanā-ura jayē, thāpūṁ canda jinanda |2|

Ōm hīrīm śrīcandraprabhajinēndra! Atra avatarata avatarata sanvaṣaṭ! (āhvānanam)

Ōm hīrīm śrīcandraprabhajinēndra! Atra tiṣṭhata tiṣṭhata ṭha: ṭha:!(Sthāpanam)

Ōm hīrīm śrīcandraprabhajinēndra! Atra mama sannihitō bhavata bhavata vaṣaṭ! (sannidhikaraṇam)

(चालः द्यानतराय कृत नंदीश्वराष्टक की अष्टपदी तथा होली की ताल में, तथा गरवा आदि अनेक चालों में)

(Cāla: Dyānatarāya kṛta nandīśvarāṣṭaka kī aṣṭapadī tathā hōlī kī tāla mēm, tathā garavā ādi anēka cālōm mēm)

गंगा-हृद निरमल-नीर, हाटक-भृंग भरा |
तुम चरन जजूं वर-वीर, मेटो जनम-जरा ||
श्री चंद्रनाथ दुति-चंद, चरनन चंद लगे |
मन-वच-तन जजत अमंद, आतम-जोति जगे ||

ॐ ह्रीं श्रीचंद्रप्रभजिनेन्द्राय जन्म-जरा-मृत्यु-विनाशनाय जलं निर्वपामीति स्वाहा ।१।

Gaṅgā-hṛda niramala-nīra, hāṭaka-bhṛṅga bhara |
Tuma carana jajūm vara-vīra, mēṭo janama-jara ||
Śrī candranātha duti-canda, caranana canda lagē |
Mana-vaca-tana jajata amanda, ātama-jōti jagē ||

Om hrīm śrīcandraprabhajinēndrāya janma-jarā-mṛtyu-vināśanāya jalam nirvapāmīti svāhā [1]

श्रीखंड कपूर सुचंग, केशर-रंग भरी |
घसि प्रासुक जल के संग, भव-आताप हरी ||
श्री चंद्रनाथ दुति-चंद, चरनन चंद लगे |
मन-वच-तन जजत अमंद, आतम-जोति जगे ||

ॐ ह्रीं श्रीचंद्रप्रभजिनेन्द्राय संसारताप-विनाशनाय चंदनं निर्वपामीति स्वाहा ।२।

Śrīkhaṇḍa kapūra sucaṅga, kēśara-raṅga bhārī |
Ghasi prāsuka jala kē saṅga, bhava-ātāpa harī ||
Śrī candranātha duti-canda, caranana canda lagē |
Mana-vaca-tana jajata amanda, ātama-jōti jagē ||

Om hrīm śrīcandraprabhajinēndrāya sansāratāpa-vināśanāya candanam nirvapāmīti svāhā [2]

तंदुल सित सोम-समान, सो ले अनियारे |
दिये पुंज मनोहर आन, तुम पदतर प्यारे ||
श्री चंद्रनाथ दुति-चंद, चरनन चंद लगे |
मन-वच-तन जजत अमंद, आतम-जोति जगे ||

ॐ ह्रीं श्रीचंद्रप्रभजिनेन्द्राय अक्षयपद-प्राप्तये अक्षतान् निर्वपामीति स्वाहा ।३।

Tandula sīta sōma-samāna, sō lē aniyārē |
Diyē puñja manōhara āna, tuma padatara pyārē ||
Śrī candranātha duti-canda, caranana canda lagē |
Mana-vaca-tana jajata amanda, ātama-jōti jagē ||

Om hrīm śrīcandraprabhajinēndrāya akṣayapada-prāptayē akṣatān nirvapāmīti svāhā [3]

सुर-द्रुम के सुमन सुरंग, गंधित अलि आवे |
ता सों पद पूजत चंग, काम-विथा जावे ||
श्री चंद्रनाथ दुति-चंद, चरनन चंद लगे |
मन-वच-तन जजत अमंद, आतम-जोति जगे ||

ॐ ह्रीं श्रीचंद्रप्रभजिनेन्द्राय कामबाण- विध्वंसनाय पुष्पं निर्वपामीति स्वाहा ।४।

Sura-druma kē sumana suraṅga, gandhita ali āvē |
Tā sōm pada pūjata caṅga, kāma-vithā jāvē ||
Śrī candranātha duti-canda, caranana canda lagē |
Mana-vaca-tana jajata amanda, ātama-jōti jagē ||

Om hrīm śrīcandraprabhajinēndrāya kāmabāṇa- vidhvansanāya puṣpaṁ nirvapāmīti svāhā ।4।

नेवज नाना-परकार, इंद्रिय-बलकारी ।

सो ले पद पूजूं सार, आकुलता-हारी ॥

श्री चंद्रनाथ दुति-चंद, चरनन चंद लगे ।

मन-वच-तन जजत अमंद, आतम-जोति जगे ॥

ॐ ह्रीं श्रीचंद्रप्रभजिनेन्द्राय क्षुधारोग-विनाशनाय नैवेद्यं निर्वपामीति स्वाहा ।५।

Nēvaja nānā-parakāra, indriya-balakārī |

Sō lē pada pūjum sāra, ākulatā-hārī ||

Śrī candranātha duti-canda, caranana canda lagē |

Mana-vaca-tana jajata amanda, ātama-jōti jagē ||

Om hrīm śrīcandraprabhajinēndrāya kṣudhārōga-vināśanāya naivēdyam nirvapāmīti svāhā ।5।

तम-भंजन दीप संवार, तुम ढिंग धारत हूँ ।

मम तिमिर-मोह निरवार, यह गुण धारत हूँ ॥

श्री चंद्रनाथ दुति-चंद, चरनन चंद लगे ।

मन-वच-तन जजत अमंद, आतम-जोति जगे ॥

ॐ ह्रीं श्रीचंद्रप्रभजिनेन्द्राय मोहान्धकार-विनाशनाय दीपं निर्वपामीति स्वाहा ।६।

Tama-bhañjana dīpa sanvāra, tuma ḍhiṅga dhārat hūm |

Mama timira-mōha niravāra, yaha guṇa dhārat hūm |

Śrī candranātha duti-canda, caranana canda lagē |

Mana-vaca-tana jajata amanda, ātama-jōti jagē ||

Om hrīm śrīcandraprabhajinēndrāya mōhāndhakāra-vināśanāya dīpaṁ nirvapāmīti svāhā ।6।

दस-गंध हुताशन-माँहिं, हे प्रभु खेवत हूँ ।

मम करम-दुष्ट जरि जाहिं, या तें सेवत हूँ ॥

श्री चंद्रनाथ दुति-चंद, चरनन चंद लगे ।

मन-वच-तन जजत अमंद, आतम-जोति जगे ॥

ॐ ह्रीं श्रीचंद्रप्रभजिनेन्द्राय अष्टकर्म-दहनाय धूपं निर्वपामीति स्वाहा ।७।

Dasa-gandha hutāśana-māṁhiṁ, hē prabhu khēvat hūm |

Mama karama-duṣṭa jari jāhiṁ, yā teṁ sēvat hūm ||

Śrī candranātha duti-canda, caranana canda lagē |

Mana-vaca-tana jajata amanda, ātama-jōti jagē ||

Ōm hrīm śrīcandraprabhajinēndrāya aṣṭakarma-dahanāya dhūpaṁ nirvapāmīti svāhā |7|

अति-उत्तम फल सु मँगाय, तुम गुण गावत हूँ ।
पूजूं तन-मन हरषाय, विघन नशावत हूँ ॥
श्री चंद्रनाथ दुति-चंद, चरनन चंद लगे ।
मन-वच-तन जजत अमंद, आतम-जोति जगे ॥

ॐ ह्रीं श्रीचंद्रप्रभजिनेन्द्राय मोक्षफल-प्राप्तये फलं निर्वपामीति स्वाहा ।८।

Ati-uttama phala su maṅgāya, tuma guṇa gāvat hūm |
Pūjōm tana-mana haraṣāya, vighana naśāvat hūm ||
Śrī candranātha duti-canda, caranana canda lagē |
Mana-vaca-tana jajata amanda, ātama-jōti jagē ||

Ōm hrīm śrīcandraprabhajinēndrāya mōkṣaphala-prāptayē phalaṁ nirvapāmīti svāhā |8|

सजि आठों-दरब पुनीत, आठों-अंग नमूं ।
पूजूं अष्टम-जिन मीत, अष्टम-अवनि गमूं ॥
श्री चंद्रनाथ दुति-चंद, चरनन चंद लगे ।
मन-वच-तन जजत अमंद, आतम-जोति जगे ॥

ॐ ह्रीं श्रीचंद्रप्रभजिनेन्द्राय अनर्घ्यपद-प्राप्तये अर्घ्यं निर्वपामीति स्वाहा ।९।

Saji āṭhōm-daraba punīta, āṭhōm-aṅga namūm |
Pūjōm aṣṭama-jina mīta, aṣṭama-avani gamūm ||
Śrī candranātha duti-canda, caranana canda lagē |
Mana-vaca-tana jajata amanda, ātama-jōti jagē ||

Ōm hrīm śrīcandraprabhajinēndrāya anarḡhyapada-prāptayē arḡhyam nirvapāmīti svāhā |9|

पंचकल्याणक-अर्घ्यावली

Pañcakalyāṇaka-arghyāvalī

(छन्द तोटक-वर्ण १२)

कलि-पंचम-चैत सुहात अली, गरभागम-मंगल मोद भली ।
हरि हर्षित पूजत मात-पिता, हम ध्यावत पावत शर्म-सिता ॥

ॐ ह्रीं चैत्रकृष्ण-पंचम्यां गर्भमंगल-मंडिताय श्रीचंद्रप्रभजिनेन्द्राय अर्घ्यं निर्वपामीति स्वाहा ।१।

(chanda tōṭaka-varṇa 12)

Kali-pañcama-caita suhāta alī, garabhāgama-maṅgala mōda bhalī |
Hari harṣita pūjata māta-pitā, hama dhyāvata pāvata śarma-sitā ||

Ōm hrīm caitrakṛṣṇa-pañcamyām garbhamāṅgala-maṇḍitāya śrīcandraprabhajinēndrāya arghyam
nirvapāmīti svāhā |1|

कलि-पौष-एकादशि जन्म लयो, तब लोकविषे सुख थोक भयो ।

सुर-ईश जजे गिरि-शीश तबै, हम पूजत हें नुत-शीश अबै ॥

ॐ ह्रीं पौषकृष्णैकादश्यां जन्ममंगल-मंडिताय श्री चंद्रप्रभजिनेन्द्राय अर्घ्यं निर्वपामीति स्वाहा ।२।

Kali-pauṣa-ēkādaśi janma layō, taba lōkaviṣaim sukha thōka bhayō |

Sura-īśa jajem giri-śīśa tabai, hama pūjata hairm nuta-śīśa abai ||

Ōm hrīmpauṣakṛṣṇaikādaśyām janmamaṅgala-maṇḍitāya śrī candraprabhajinēndrāya arghyam
nirvapāmīti svāhā |2|

तप दुधर श्रीधर आप धरा, कलि-पौष-इग्यारसि पर्व वरा ।

निज-ध्यान-विषै लवलीन भये, धनि सो दिन पूजत विघ्न गये ॥

ॐ ह्रीं पौषकृष्णैकादश्यां तपोमंगल-मंडिताय श्रीचंद्रप्रभजिनेन्द्राय अर्घ्यं निर्वपामीति स्वाहा ।३।

Tapa dud'dhara śrīdhara āpa dharā, kali-pauṣa-igyārsi parva varā |

Nija-ēyāna-viṣai lavalīna bhayē, dhani sō dina pūjata vighna gayē ||

Ōm hrīm pauṣakṛṣṇaikādaśyām tapōmaṅgala-maṇḍitāya śrīcandraprabhajinēndrāya arghyam
nirvapāmīti svāhā |3|

कर केवल-भानु उद्योत कियो, तिहँलोक-तणों भ्रम मेट दियो ।

कलि-फाल्गुन-सप्तमि इंद्र जजे, हम पूजहिं सर्व-कलंक भजे ॥

ॐ ह्रीं फाल्गुनकृष्ण-सप्तम्यां केवलज्ञान-मंडिताय श्रीचंद्रप्रभजिनेन्द्राय अर्घ्यं निर्वपामीति स्वाहा ।४।

Kara kēvala-bhānu udyōta kiyō, tihamṛlōka-taṇōm bhrama mēṭa diyō |

Kali-phālguna-saptami indra jajem, hama pūjahim sarva-kalaṅka bhajem ||

Ōm hrīm phālgunakṛṣṇa-saptamyām kēvalajñāna-maṇḍitāya śrīcandraprabhajinēndrāya arghyam
nirvapāmīti svāhā |4|

सित-फाल्गुन-सप्तमि मुक्ति गये, गुणवंत अनंत अबाध भये ।

हरि आय जजे तित मोद धरे, हम पूजत ही सब पाप हरे ॥

ॐ ह्रीं फाल्गुनशुक्ल-सप्तम्यां मोक्षमंगल-मंडिताय श्रीचंद्रप्रभजिनेन्द्राय अर्घ्यं निर्वपामीति स्वाहा ।५।

Sita-phālguna-saptami mukti gayē, guṇavanta ananta abādha bhayē |

Hari āya jajē tita mōda dharē, hama pūjata hī saba pāpa harē ||

Ōm hrīm phālgunaśukla-saptamyām mōkṣamaṅgala-maṇḍitāya śrīcandraprabhajinēndrāya arghyam
nirvapāmīti svāhā |5|

जयमाला
Jayamālā

(दोहा)

हे मृगांक-अंकित-चरण, तुम गुण अगम-अपार |
गणधर से नहिं पार लहिं, तौ को वरनत सार |१|

(dōhā)

Hē mṛgāñka-añkita-caraṇa, tuma guṇa agama-apāra |
Gaṇadhara sē nahim̐ pāra lahim̐, tau kō varanata sāra |1|

पै तुम भगति हिये मम, प्रेरे अति-उमगाय |
ता तें गाऊँ सुगुण तुम, तुम ही होउ सहाय |२|

Pai tuma bhagati hiyē mama, prērē ati-umagāya |
Tā teṁ gā'ūṁṁ suguṇa tuma, tuma hī hō'u sahāya |2|

(छन्द पद्धरी, १६ मात्रा)

जय चंद्र जिनेंद्र दयानिधान, भवकानन-हानन दव-प्रमान |
जय गरभ-जनम-मंगल दिनंद, भवि-जीव-विकाशन शर्म-कंद |३|

(Chanda pad'dharī, 16 mātrā)

Jaya candra jinēndra dayānidhāna, bhavakānana-hānana dava-pramāna |
Jaya garabha-janama-maṅgala dinanda, bhavi-jīva-vikāśana śarma-kanda |3|

दश-लक्ष पूर्व की आयु पाय, मनवाँछित-सुख भोगे जिनाय |
लखि कारण हवै जग तें उदास, चिंत्यो अनुप्रेक्षा सुख-निवास |४|

Daśa-lakṣa pūrva kī āyu pāya, manavāñchita-sukha bhōgē jināya |
Lakhi kāraṇa hvai jaga teṁ udāsa, cintyō anuprēkṣā sukha-nivāsa |4|

तित लौकान्तिक बोध्यो नियोग, हरि शिविका सजि धरियो अभोग |
ता पे तुम चढ़ि जिन-चंदराय, ता-छिन की शोभा को कहाय |५|

Tita laukāntika bōdhyō niyōga, hari śivikā saji dhariyō abhōga |
Tā pe tuma caṛhi jina-candarāya, tā-china kī śōbhā kō kahāya |5|

जिन-अंग सेत-सित चमर ढार, सित-छत्र शीस गल-गुलक-हार |

सित-रतन-जड़ित भूषण विचित्र, सित-चंद्र चरण चरचं पवित्र |६|

Jina-aṅga sēta-sita camara ḍhāra, sita-chatra śīsa gala-gulaka-hāra |
Sita-ratana-jarīta bhūṣaṇa vicitra, sita-candra caraṇa caracēm pavitra |6|

सित तन-द्युति नाकाधीश आप, सित-शिविका कांधे धरि सु चाप |

सित सुजस सुरेश नरेश सर्व, सित चित में चिंतत जात पर्व |७|

Sita tana-dyuti nākādhīśa āpa, sita-śivikā kāndhē dhari su cāpa |
Sita sujasa surēśa narēśa sarva, sita cita mēm cintata jāta parva |7|

सित चंद्र-नगर तें निकसि नाथ, सित वन में पहुँचें सकल साथ |

सित शिला शिरोमणि स्वच्छ छाँह, सित तप तित धार्यो तुम जिनाह |८|

Sita candra-nagara teṁ nikasi nātha, sita vana mēm pahuṁcēm sakala sātha |
Sita śilā śirōmaṇi svaccha chāṁha, sita tapa tita dhāryō tuma jināha |8|

सित पय को पारण परम सार, सित चंद्रदत्त दीनों उदार |

सित कर में सो पय-धार देत, मानो बांधत भवसिंधु सेत |९|

Sita paya kō pāraṇa parama sāra, sita candradatta dīnōṁ udāra |
Sita kara mēm sō paya-dhāra dēta, mānō bāndhata bhavasindhu sēta |9|

मानो सुपुण्य-धारा प्रतच्छ, तित अचरज पन सुर किय ततच्छ |

फिर जाय गहन सित तप करंत, सित केवल-ज्योति जग्यो अनंत |१०|

Mānō supuṇya-dhārā prataccha, tita acaraja pana sura kiya tataccha |
Phira jāya gahana sita tapa karanta, sita kēvala-jyōti jagyō ananta |10|

लहि समवसरन-रचना महान्, जाके देखत सब पाप हान |

जहँ तरु अशोक शोभे उत्तंग, सब शोक तनो चूरे प्रसंग |११|

Lahi samavasaraṇa-racanā mahān, jākē dēkhata saba pāpa hāna |
Jahaṁ taru aśōka śōbhe utāṅga, saba śōka tanō cūre prasaṅga |11|

सुर सुमन-वृष्टि नभ तें सुहात, मनु मन्मथ तजि-हथियार जात ||

बानी जिनमुख सों खिरत सार, मनु तत्व-प्रकाशन मुकुर-धार |१२|

Sura sumana-vṛṣṭi nabha teṁ suhāta, manu manmatha taji-hathiyāra jāta ||
Bānījinamukha sōṁ khirata sāra, manu tattva-prakāśana mukura-dhāra |12|

जहँ चौंसठ-चमर अमर दुरंत, मनु सुजस-मेघ झरि लगिय तंत ।

सिंहासन है जहँ कमल-जुक्त, मनु शिव-सरवर को कमल-शुक्त ।१३।

Jahaṁ caunsaṭha-camara amara ḍhuranta, manu sujasa-mēgha jhari lagiya tanta ।
Sinhāsana hai jahaṁ kamala-jukta, manu śiva-saravara kō kamala-śukta ।13।

दुंदुभि जित बाजत मधुर सार, मनु करमजीत को है नगार ।

सिर छत्र फिरें त्रय श्वेत, वर्ण, मनु रतन तीन त्रय-ताप-हर्ण ।१४।

Dundubhi jita bājata madhura sāra, manu karamajīta kō hai nagāra ।
Sira chatra phiren traya śvēta, varṇa, manu ratana tīna traya-tāpa-harṇa ।14।

तन-प्रभा तनों मंडल सुहात, भवि देखत निज-भव सात-सात ।

मनु दर्पण-द्युति यह जगमगाय, भविजन भव-मुख देखत सु आय ।१५।

Tana-prabhā tanōṁ maṇḍala suhāta, bhavi dēkhata nija-bhava sāta-sāta ।
Manu darpaṇa-dyuti yaha jagamagāya, bhavijana bhava-mukha dēkhata su āya ।15।

इत्यादि विभूति अनेक जान, बाहिज दीसत महिमा महान् ।

ताको वरणत नहिं लहत पार, तौ अंतरंग को कहे सार ।१६।

Ityādi vibhūti anēka jāna, bāhija dīsata mahimā mahān ।
Tākō varaṇata nahim lahata pāra, tau antaraṅga kō kahe sāra ।16।

अनअंत गुणनि-जुत करि विहार, धरमोपदेश दे भव्य तार ।

फिर जोग-निरोधि अघाति-हान, सम्मेद-थकी लिय मुकतिथान ।१७।

Ana'anta guṇani-juta kari vihāra, dharamōpadēśa dē bhavya tāra ।
Phira jōga-nirōdhi aghāti-hāna, sam'mēda-thakī liya mukatithāna ।17।

'वृंदावन' वंदत शीश नाय, तुम जानत हो मम उर जु भाय ।

ता तें का कहूँ सु बार-बार, मनवाँछित-कारज सार सार ।१८।

'Vṛṇḍāvana' vandata śīśa nāya, tuma jānata hō mama ura ju bhāya ।
Tā teṁ kā kahūṁ su bāra-bāra, manavāṁchita-kāraja sāra sāra ।18।

(छन्द घतानंद)

जय चंद-जिनंदा, आनंदकंदा, भव-भय-भंजन राजें हैं ।

रागदिक-द्वंद्वा, हरि सब फंदा, मुकति-माँहि थिति साजें हैं ।१९।

ॐ ह्रीं श्रीचंद्रप्रभजिनेद्राय जयमाला-पूर्णाघ्यं निर्वपामीति स्वाहा ।

(Chanda ghattānanda)

Jaya canda-jinandā, ānandakandā, bhava-bhaya-bhañjana rājeṃ haiṃ |
Rāgadika-dvandvā, hari saba phandā, mukati-mām̃hi thiti sājeṃ haiṃ | 19 |

Om hrīm śrīcandraprabhajinēdrāya jayamālā-pūṃārghyam nirvapāmīti svāhā |

(छन्द चौबोला)

आठों दरब मिलाय गाय गुण, जो भविजन जिन-चंद जजें |
ताके भव-भव के अघ भाजें, मुक्तिसार सुख ताहि सजें ||
जम के त्रास मिटें सब ता के, सकल-अमंगल दूर भजें |
'वृंदावन' ऐसो लखि पूजत, जा तें शिवपुरि-राज रजें ||

(Chanda caubōlā)

Aṭhōṃ daraba milāya gāya guṇa, jō bhavijana jina-canda jajēṃ |
Tākē bhava-bhava kē agha bhājēṃ, muktisāra sukha tāhi sajēṃ ||
Jama kē trāsa miṭēṃ saba tā kē, sakala-amaṅgala dūra bhājēṃ |
'Vṛṃdāvana' aisō lakhi pūjata, jā teṃ śivapuri-rāja rajēṃ ||

॥ इत्याशीर्वादिः पुष्पांजलिं क्षिपेत् ॥

|| Ityāśīrvāda: Puṣpāñjalim kṣipēt ||

* * * A * * *